



Ս. ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳՆԵՐԻ ՋԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Դեկտեմբերի 25-ին, շաբաթ օրը, Մայր Աթոռում ավանդական շուքով տոնվեց առաջին նախավկա և մարտիրոս ս. Ստեփանոսի տոնը:

Սովորաբար Մայր Աթոռում գեղեցիկ ավանդույթ է դարձել սույն տոնի ուրախ առիթով հոգևոր ճեմարանի լսարանական բաժնի ուսանողներից ոմանց սարկավագական աստիճանի շնորհումը:

Ուրբաթ երեկոյան Մայր տաճարում կատարվում է ս. Ստեփանոսի տոնի նախատոնակը: Օրվա հանդիսության շարականները կատարում են Մայր Աթոռի սարկավագները: Ժամերգության ավարտին տ. Հուսիկ եպս. Սանթրոյանը կիսասարկավագության աստիճան է շնորհում հոգևոր ճեմարանի Բ լսարանի հինգ ուսանողների. «Արկանե գրագիտարն լախեակ բագուկն նորա, և տայ ի ձեռն զսկիին դատարկ և զմաղմայն, և զամենայն զգեստ պատարագին և զշուշիպն և զխորհրդատետրն»:

Ծաբաթ առավոտյան սկսվում է հանդիսավոր ժամերգությունը: Հնչում են ս. Ստեփանոսին նվիրված քաղցրահնչուն «Նա-հատակ բարի Բրիստոսի», «Ընդ երկնայնոց», «Նախասարկաագ և առաջին մարտիրոս» և «Ստեփանոս քաղցրիկ տատրակ» շարականները, որոնց երգեցողության տակ նորընձանների հոգիները համակվում են օրվա խորհրդով:

Ուրախ է ճեմարանի տեսչությունը, դասախոսական կազմը և հավատացյալների բազմությունը, որովհետև հինգ մատաղ հոգիներ իրենց նվիրում են հայ եկեղեցու հոգևոր սպասավորությանը:

Երեկ էր, երբ նրանք դեռ պատանիներ և անմշակ հոգիներ ուր որեցին հոգևոր ճեմարանից ներս, բայց վանական մթնոլորտում և իրենց դասախոսների շնչի ներքո անցին հոգով և մարմնով, ձեռք բերեցին հոգևոր և մտավոր գիտելիքներ և այսօր Մայր տաճարի ս. Սեդանի առաջ խոստանում են իրենց ողջ հոգեկան և իմացական կարողությունները ի սպաս դնել հայ եկեղեցու պայծառությանը և շինությանը:

Հանդիսավոր ժամերգությունը շարունակվում է մինչև ժաշոց գրքի ընթերցումը, որից հետո տ. Հուսիկ եպս. Սանթրոյանը հոգևոր ճեմարանի տեսչության միջնորդությամբ և ազգիս Վեհափառ Հայրապետի բարեհաճ արտոնությամբ սարկավագական աստիճան է շնորհում Բ լսարանի ուսանողներ Վրեժ Նաջարյանին, Սամվել Պետրոսյանին, Հակոբ Խաչատրյանին, Նորայր Ավագյանին և Ավետիք Արաքաջյանին:

Ջեռնադրության հանդիսությունը կատարվում է ըստ Ջեռնադրության Մաշտոցի, սուրբ գրական ընթերցումներով, համապատասխան շարականներով՝ ոգեկոչելով «աստուածային և երկնային շնորհ, որ միշտ լնու զպէտս սրբոյ սպասատրութեան առաքելական եկեղեցոյ, կոչէ զնոսա ի դպրութենէ ի սարկաագութիւն ըստ վկայութեան անձանց իրեանց և ամենայն ժողովրդեան»:

Այնուհետև ձեռնադրիչ եպիսկոպոսը տալիս է օրհնությամբ «զսուրբ ուրարս», «իշխանութիւն ընթեռնույ զսուրբ Աւետարանս, յեկեղեցիս Աստուծոյ» և «հրաման խնկարկել և բուրել հոտ անուշութեան ի սպասատրութիւն խորհրդոյն»:

Ձեռնադրությունից հետո սկսվում է ս. պատարագը, որին սպասարկում են հորդն՝ ծա հինգ սարկավագները: Պատարագում է հոգևոր ճանարանի տեսուչ տ. Հովհաննես

սուրբ ուխտի: Դուք վեր բարձրացրիք ձեր աղոթող ձեռքերը՝ ուխտելով ծառայել մեր սուրբ եկեղեցուն: Լուծը ծանր է, բայց քաղցըր, եթե այն կրեք Աստուծո օգնականու-



Մի պահ ձեռնադրության արարողությունից

քին. Մարությանը: «Հայր մեր»-ից առաջ, օրվա տոնի և ձեռնադրության խորհրդի վերաբերյալ պատարագիչ տեր հայրը քարոզելիս ասում է.

«Մայր Աթոռ ս. Էջմիածնում վերջին տարիներին ավանդություն է դարձել ս. Ստեփանոսի տոնի օրը սարկավագական ձեռնադրություն կատարել:

Ահա այսօր մեր աչքերի առաջ, Միածնա-Էջ այս ս. կամարների տակ, հոգևոր ճանարանի բարձր լսարանի հինգ սաներ Աստուծո կանչով առաջնորդված, ժողովրդի հոգեվոր ծառայության ձայնին անասլով ծնրադիր իրենց ուխտը կատարեցին՝ նվիրվելու համար Տիրոջ սուրբ Սեղանին:

Սիրելի զավակներ, Ամենայն Հայոց Հայրապետը, ձեր դասախոսները, ձեր ծնողներն ու հարազատները, ինչպես նաև մեր հավատացյալ ժողովուրդը հուզումով և հոգեկան մեծ հրճվանքով վկաները եղան ձեր

թյամբ: Աստված ձեզ հետ, ձեզ հետ են նաև հայ եկեղեցու մեծ վարդապետների ոգին ու ժողովրդի լուսաշող պատմությունը: Ապավինեցեք նախ Աստուծուն և ապա ձեր հայրերի հավատքին, ունեցեք զոհողության և հայրենասիրության ոգի:

Դուք այս րոպեից սովորական ուսանողներ չեք, այլ ս. Հոգու շնորհներով հոգևոր սպասավորության կանչված արիասիրտ պատանիներ: Հավատում ենք, որ մի քանի տարիներ հետո պիտի կատարեք ձեր երկրորդ մեծ ուխտը, դարձյալ այս սեղանից՝ պատարագելու ու պատարագվելու համար հանուն Տիրոջ Սեղանին:

Աստուծո շնորհները ստացած եք, բայց եթե ձեր մեջ հավատքը, նվիրումի ոգին, աշխատասիրությունը, հայրենասիրությունը, մարդասիրությունը չչորացնեք, ձեր ունեցած շնորհները կմեռնեն ձեր մեջ, և կյանքում կդառնաք վրիպած մարդիկ:

Այսօր ոչ ոք ձեզանից չի պահանջում ս. Ստեփանոս Նախավկայի նման ձեր արյունը թափելը: Բայց տարբերություն չկա նահատակության և զոհողության միջև: Ամեն ճշմարիտ ու հավատավոր հոգևորականի կյանքը ամենօրյա պատարագ է, տքնություն, զոհողություն, հանուն Ավետարանի ճշմարտության և մարդու հոգու փրկության և խաղաղության: Ս. Ստեփանոսի նման եղեք արիասիրտ և դժվարությունների առաջ չընկնվող: Ձեզ առաջնորդող ուժը լինի Քրիստոսի Ավետարանը և ձեր ժողովրդի պատմությունը:

Տարիներ առաջ եկաք այստեղ անկազմակերպ հոգով ու մտքով, բայց հավատքով նվիրվելու հոգևոր այս սպասավորության: Ձեր ստացած հայեցի և քրիստոնեական դաստիարակությունը, Հայոց Վեհափառ Հայրապետի հայրական ու ամենօրյա հոգատարությունը ձեզ մղեցին անվարան կրելու այս քաղցր լուծը: Դուք այստեղ սնվել եք նույն մոր երկու ստինքներից՝ հայ եկեղեցու և հայ ժողովրդի պատմությունից: Չդավաճանեք այն ոգուն, որ ձեզ կանչում է դեպի ծառայություն:

Այսօրվանից, այս բարձունքից, նոր կյանքով պետք է ապրեք: Միշտ առաջ նայեցեք, դեպի բարձունքները, «Աստուած խօսեցաւ ի բարձանց»: Պարտականության գիտակցությունը, ծառայության ոգին ձեզ միշտ առաջ թող մղի: Դուք այրվելով, լույս տալով է, որ պիտի ապրեք: Դուք Աստուծո գործի մշակներն եք դառնալու, Ավետարանի լույսն եք տանելու մարդկանց հոգիների մեջ:

Ձեր կյանքում ձեր առաջ թող բացվի ս. Ստեփանոսի և մեր հայրերի թափած արյունով ոռոգված Քրիստոսի լուսաշող ճանապարհը: Եվ դուք արիացած ու խանդավառ, համարձակ ընթանաք այդ ճանապարհով:

Թող Աստուծո օգնականությունը լինի ձեզ հետ: Թող մեր սուրբ նախնայաց և նրանց արժանավոր հաջորդ ազգիս Վեհափառ Հայրապետի օրհնությունը լինի ձեզ հետ: Թող ձեզ հետ լինեն մեր ժողովրդի սերն ու վրատահողությունը այժմ և միշտ և հավիտյանս հավիտենից, ամեն»:

Ս. պատարագից հետո տ. Հուսիկ եպս. Սանթրույանը և ճեմարանի տեսուչը նորընձաներին առաջնորդում են Վեհափառ Հայրապետի մոտ, որը հայրական սիրով ընդունում է Իր հոգևոր զավակներին, օրհնում

և նրանց հոգևոր ծառայության սուրբ ուխտը և հորդորում լինել ս. Ստեփանոսի նման Աստուծո գործին նվիրված հավատքի և աղոթքի մարդիկ:

Նույն օրը, ժամը 15-ին, հոգևոր ճեմարանի սեղանատանը, ի պատիվ նորընձա սարկավագների, տրվում է ճաշկերույթ, որին մասնակցում են նաև ճեմարանի դասախոսները:

Սեղանը օրհնում է տ. Հուսիկ եպս. Սանթրույանը:

Ուսանողներին, մասնավոր նորընձա սարկավագներին ուղղված սրտի խոսք են ասում դասախոսներ Գ. Գյուլյանը և Ս. Անթոնյանը: Իսկ Ա. լսարանի ուսանող Մ. Մարգարյանը ողջ ուսանողության անունից շնորհավորում է նորընձա սարկավագ եղբայրներին:

Այնուհետև նորընձա սարկավագների անունից Վեհափառ Հայրապետին, ինչպես նաև ճեմարանի դասախոսներին ուղղված երախտագիտության և շնորհակալության խոսք է ասում Ավետիք սարկավագ Արաբաջյանը:

Ճաշկերույթը վերջանում է ժամը 16.30-ին:

Բարեշնորհ Վրեժ սրկ. Նաջարյան. ծնվել է Հալեպ քաղաքում, 1952 թվականին: Ավարտել է Բելրոյթի Թեքեյան նախակրթարանը, ապա սովորել է Հովակիմյան-Մանուկյան երկրորդական վարժարանում: 1968 թվականին ընդունվել է հոգևոր ճեմարան:

Բարեշնորհ Սամվել սրկ. Պետրոսյան. ծնվել է 1955 թվականին Թբիլիսիում: Մանուկ հասակում ընտանիքի հետ տեղափոխվել է Երևան և ավարտել 6-րդ դասարանը: 1967 թվականին ընդունվել է հոգևոր ճեմարան:

Բարեշնորհ Հակոբ սրկ. Խաչատրյան. ծնվել է 1951 թվականին Երևանում: Ավարտել է միջնակարգ դպրոցը: 1966 թվականին ընդունվել է հոգևոր ճեմարան:

Բարեշնորհ Նորայր սրկ. Ավագյան. ծնվել է 1948 թվականին Արտաշատում: Ավարտել է տեղի միջնակարգ դպրոցը: 1968 թվականին ընդունվել է հոգևոր ճեմարան:

Բարեշնորհ Ավետիք սրկ. Արաբաջյան. ծնվել է 1951 թվականին Երևանում: Ավարտել է միջնակարգ դպրոցը: 1970 թվականին ընդունվել է հոգևոր ճեմարան:

